

# دار النيل والفرات للنشر والتوزيع

عضو اتحاد الناشرين المصريين رقم 941 / 2018



الكتاب الفائز بالمركز الأول فرع التأليف المسرحي في مسابقة

شاعر/ أديب النيل والفرات الدورة الثالثة سبتمبر 2018

سامح سليم

## مين فيهم عمل إيه ؟!

نص كوميدي ساخر

فانتازيا

مسرحية

الطبعة الأولى سبتمبر 2018

# بطاقة الكتاب

عنوان المؤلف : مين فيهم عمل إيه ؟!

المؤلف : سامح سليم

التصنيف : مسرحية

رقم الإيداع : 2018-15669

الترقيم الدولي : 978-977-6656-63-5

عدد الصفحات : 58 صفحة

رقم الإصدار الداخلي: 231 (طبعة أولى سبتمبر 2018)

الإخراج الفني : الشاعر محمد الساعى

جميع حقوق الطبع والنشر محفوظة للمؤلف، ولا يحق لأى دار نشر

طبع ونشر وتوزيع الكتاب إلا بموافقة كتابية وموثقة من المؤلف

## دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 020554372901 - 01116202218 - 01202541192 - 01011256943 - تليفاكس: 020554372901

alnilwaalfourat@gmail.com - alnilwaalfourat

المقر الرئيسي: ج.م.م. محافظة الشرقية - العاشر من رمضان - مجاورة 13 - إمام سنترال 13 - عقار 304

ج.م.م. محافظة المنيا - أبو قرقاص - شرق الترمة - خلف محطة السكة الحديد - هاتف 086214428

ج.م.م. محافظة القليوبية - مركز طوخ - إيمى - هاتف 0132424735

(البروك)

## رؤية الناشر

شاعر / أديب النيل والفرات ، مسابقة مُحررة من كل القيود ،  
فى كل أفرع الإبداع (الشعر الفصيح – شعر العامية – القصة  
القصيرة – الرواية – التأليف المسرحى – الدراسات النقدية –  
الأبحاث – أدب الطفل) لا تتقيد بفكر ، أو تَوَجُّه ، أو سن ، الهدف  
منها تقديم المبدعين الحقيقيين للساحة الأدبية مدفوعة جوائزها  
بالكامل من حساب دار النيل والفرات دون أى مساعدات – بكل  
مسمياتها - من أى شخص أو جهة – حلم طالما حلمنا به -  
وتحقق بفضل الله تعالى مع انطلاق الدورة الأولى فى أكتوبر  
2017،

ومنذ انطلاقها وهى تثبت فى كل دورة نجاحها بتزايد عدد  
المتسابقين من كل أرجاء الوطن العربى ، يفوز فى كل دورة تسعة  
وعشرين مبدعا يتم تكريمهم جميعا تكريما لائقا ، ويُمنَح الفائز  
الأول والأول مكرر فى كل مجال جائزتى (طبع الكتاب الفائز – ولقب  
شاعر / أديب النيل والفرات)

علنا نكون قد وفينا بالعهود ، وقدمنا للمشهد الإبداعي مبدعا  
حقيقيا ، وللمكتبة العربية كتابا قيما يفيد البشرية

ناجى عبد المنعم  
رئيس مجلس الإدارة



( مسرحية )

مين فيهم عمل إيه ؟!

# الإهداء

اليكم بعضا مني  
لأنكم البعض الآخر  
أبي أُمي  
الشارع  
الناس  
ووريثي

## الفكرة

هى انعكاسات واسقاطات لصور من مختلف شرائح المجتمع مجتمعة فى مكانا واحد يتوقف عنده كل شىء من مغرايات ومكتسبات وممتلكات حتى من احباء وزوى قرابة سيرة ومسيرة (القبر) ليكشف كل ما تقدم من صراعات للفوز بكذب وهو الدنيا وتناسى الحقيقة الوحيدة بها والعمل لها وهى النهاية (الموت والحساب) وليقف كل منا امامه ليكشف ما يشبهه فى سلبيات المجتمع من بينها ادعاء الفهم والخبرة (الفهلوة) وتمثل فى شخصية عارف.

السلطة المطلقة الظالمة والغير مراقبة وتمثل فى شخصية حازم. بكارة موروث الحكمة فى الشارع المصرى ممثلة فى شخصية المعلم زبادى. الصراع الدائم بين الضمير والرغبات فى شخصية عبد الناصر. اهمال واتهام الفطرة والنقاء بالتخلف ونبذها فى شخصية على (العبيط).

اكتساب حرفة من قسوة الفقر والجهل (السرقعة) فى شخصية حلمى فرخة. وغيرها بسؤال ماذا لو حاسبنا انفسنا قبل الحساب وما سنجد وهل نستطيع احترام ادميتنا وضع

الانسانية بمكانة حتى ولو بالقرب من المكانة المقدرا لها فى  
الكتب السماوية وهى أن الأنسان خليفة الله عزوجل فى  
الارض تستعرض وتطوف الفكرة بين تلك وذاك من الصور  
والشخصيات بعدسة الشخصية المحوارية وليد.

## الديكور

غرفة كبيرة بسيطة البناء شبيهة بالزنزانة أو عنبر  
بمستشفى مجانيين

## الشخصيات

م	الإسم	السن	الصفة
1	وليد	28	دبلوم تجارة – عاطل
2	الأم (ضريرة)	46	أمية – ربة منزل
3	دعاء (الأخت)	18	شهادة إبتدائية
4	عبد الناصر (العم)	22	شهيد
5	حلمى فرخة	36	جاهل – حرامى
6	عارف	40	إعدادية – جزمجى
7	المعلم زبادى	60	خبرة حياه صاحب مقهى
8	على	25	متخلف عقليا
9	حازم	52	وزير سابق
10	مكشة (الصديق)	26	جاهل – مشاويرجى
11	فتاة		
12	شابان		طلبة طب
13	تربى		



( مسرحية )

مين فيهم عمل إيه ؟!

# ستار

(تدخل فتاة بيدها البوم صور للأشخاص وتهتف)

الفتاة : (تتراقص ساخرة بالالبوم)

البوم حياه لكل مين فيها.. حبة صورللخلق تحكيها  
ولكل واحد يوم حدوته قبل النوم تضحك وتبكيها

(تقلب الصور سريعا بظهورها بالخلفية مصاحبة  
بغنوة الليثى (انتى دنيا) مليت بجد ما فيش جديد  
(تقلب الصور سريعا بظهورها بالخلفية)

واللي يقوله دا يقوله دا وفي الآخر ديما انا السبب  
فاكريني مش فهماهم ومش عارفة الاعيبيهم واوقات  
احظ كل واحد فيهم امام صورته(تشير للالبو الصور)  
يكذب وينكرها - بس لو شوية هدوء وتركيز ممكن  
نعرف غلطنا ونصلحه وبلاش ندور علي شماعة  
ومبررات كدابة ونبطل بقا كل شوية

(تتراقص مصاحبة بغنوة اه يا دنيا بوسي)

بغبغة وكلام كلام كلام مع انهم عارفين عملوا ايه انا  
ماظلمتش حد بالعكس طول الوقت بحاول اوضح



والمح (بمداعبة) واصحصح لكن كله باصص غلط  
ومش فاهم انه مش فاهم عمل ايه في ايه عشان ايه  
وبالإثباتات والأدلة نشوف الحدوتة ديا (مين فيهم  
عمل إيه) فرررررررررر

(تقلب الصور سريعا بالخلفية لتقف علي صورة وليد  
مصاحبة بغنوة (الدنيا ريشة في هوا)

(اظلام)



(اثناء الإظلام تدوى صرخة ميلاد وتتوافد معها  
صرخة بالغة وتعقبها بعض الصرخات - اضاءة  
متوسطة تسمح برؤية الشخصيات من يمين المسرح  
يظهر كلا من)

حلمي فرخة جالسا ممسكا بفرخة... حرامى عارف -  
يقف مربع يديه على رأسه... جذمجي المعلم زبادى -  
متكيء واضعا يديه على خده.

(صاحب مقهى)

عبد الناصر - جالسا جلسة خوف وظهره للجمهور  
(شهيد) على - فى حالة توتر ذهابا وأيابا (متخلف  
عقلي) حازم - فى وضع النائم يتقلب فى  
مرقده (وزير سابق)

وليد بالمنتصف حاملا فراشه الأبيض (وبجوار كلا  
منهم فراش ابيض لمرقده - وبصوت باب يغلق فيلتف  
كلا من عارف - علي - حلمي حول وليد في تعارف)



(علي يغضب ويثور في الجميع حتي يصطدم ب حازم  
فيهدء بخوف ويذهب الجميع الي مرقدہ في صمت)

حازم : (في حزم) اقعد ياد انت وهو ما سمعش حس  
(يهدد) ايه واللا ايه (يعم السكون صارخا في  
فراشه) ياللا بقا

وليد : في ايه ؟ مال الناس ؟

م زبادي : (ل وليد) خد يا ابني تعالى هنا

علي : (هامسا) يا عبيط

وليد : عايز افهم في ايه

حازم : (مناديا لوليد) خد يا ض

علي : (هامسا لعارف مشيرا لقفاه) ها ياخذ اهوہ

وليد : بعد اذنك اللي عايز نبييي (بخوف وتتردد) ما  
بتأخرش عليه

عارف : (هامسا) يومك مطفي

حازم : (بغضب) ولد تعالى - سامعني

(علي وحلمي وعارف يختبئون خلف بعضهم)

**وليد : (بخوف) سامعك وجاي**

**عارف : (ساخرا) ایوا جaaaaaaaaaaaaا**

### حازم : (ل ولید) انا مش بنده

**وليد : (بخوف) وانا جيت**

## حازم : انت مش عارفنى

**عارف : (هامسا) ياعيني مش عارف**

**(ولید ہاڑا راسہ برفض وخوف)**

### حازم : یعنی لسه ماتعرفش ولا سمعت عنی

**(صارخا فيهرب وليد من امامه) غبي - مش جديد**

## ومافیش (یطوف حولهم) اکثر منکم وکان لازم نتقابل

**عشان بتنسوا انتو مين ومن وقت لتاني نفركوا (ل)**

**فراشه) ياللا بقا**

## (ويجلس في تأمل)

م زبادي : (يهدء وليد) تعالى تعالى - ايه اللي وداك هناك

مش عارف اسأل والا هو كدا وخلص

وليد : (بتسأل) مين دا - ياااااا

م زبادي : (تاركه) وانا اللي هاعرف

(متجه لعارف بسؤاله)

عارف : (يدير ظهره) يا عيني مش عارف (وليد الي علي)

علي : (تاركه ساخرا) يا عبيط (وليد ل حلمي)

حلمي : (يشير للجميع) دا والا دا والا ده

وليد : (مشيرا علي حازم) دا - ده

حلمي : اهو دا بقا دا (وليد متجه لعبد الناصر)

ع ناصر: ايه مشغول بغيرك ليه (شاده من يده) انت مالك -

خليك في نفسك تقدر تعرف انت مين - ليه

وليد : مش فاكر

ع الناصر: (بطريقة استجواب) لاء انت كدا وانا كدا وهما

كدا

وليد : هما مين

ع الناصر : تاني (يلتف حوله مشيرا لرأس وليد) هي ضلمه  
واللا بتنور وتطفي - بص حواليك شوف تعرف  
دا - يعرفك - طب دا - طب ليه

وليد : (ينسحب بخوف) ليه أيه

ع الناصر: ليه تعرف غيرك (تاركه)

وأنت مش عارف نفسك

الجميع : (يردد) ليه تعرف غيرك وأنت مش عارف نفسك

(اضاءة منخفضة وكلا منهم يمارس مهنته)

(مايم) (اظلام ثم اضاءة فلاش باك الديكور ثابت  
بخلفية مقهي شعبي - م زبادي جالسا بمكتبه  
(صاحب المقهي) عارف يطوف وينادي لتلميع  
الأحذية - علي (عبيط الشارع) - وليد ومكشة يجلس  
وليد يتفحص من حوله من وجوه فيدخل حازم بخلفية  
صوت النجدة ويقابله صاحب المقهي.

زبادي بهيبة وترحيب وانتباه حذر من الحضور)

م زبادي : اهلا اهلا شرفتنا معاليك أوامر الباشا

(ل حازم وهو يجلس) أوامرك يا حاميها (حازم يضربه مداعبة علي رأسه) وحامي علينا.

حازم : (بتباهي وتفخر للجميع) كله يخليه في نفسه ع الريحه (بشخطة عنيفة) وبسرعة ياللا بقا

(يفزع الجمع ويسرع فزعا زبادي)

م زبادي : (يخرج مسرعا) حاضر وحضر (يحدث نفسه) يالسواد

وليد : (ينادي) يا ريس (يدخل زبادي بمشروب حازم ويذهب ل وليد)

م زبادي : (بضيق) أيوا نعم

وليد : ايه يا عم انتو فين

م زبادي : جنبك ولخص

وليد : ليه كدا

م زبادي : (ناظرا لحازم بتأفف) اهو كدا ويزيح ربنا

وليد : (يبتسم بصمت) ماشي - شاى حلو



م زبادي : ماشى يا مسكر (يخرج)

(وليد للاحدى الفتيات المارة بدلع ويلعب دورها  
الفتاة)

وليد : اهى ابتدت تندع (يدخل مكشة ساخرا)

مكشة : لا دى بتغيم

وليد : (بدهشة) ايه دا يا وشك من غير سلام

(منادى لزبادي) خليهما اتنين شاي

مكشه : وهو فى سلام فى حاجة شمال يا وليد

وليد : مكشه اخلص انت جاى تتوب عملت ايه ووطي

صوتك عشان (مشير ل حازم)

مكشة : شوفت اهو انت كدا تشقيني وتوديني

وليد : اللى يخاف مايعش يا مكشة واللا يعنى عجبك  
عشتنا

مكشة : لا عاجبنى النفسين وظيف الخيال عالطاير - مش

اعمل فيها تاجر وهو انت مش عارفه لا عنده عيب

ولا حرام (يدخل زبادي بالشاى يضعه ويخرج)

وليد : يااد عيش

مكشة: كدا موت

وليد : افهم نجرب واهى مرة مش الحياه تجارب واللا انت  
ناسى زملت الشقا والمرمطة من بيع جرايد لورد  
الحبيبة عالكورنيش بس انت مش بيع (متلمسا  
وجهه) كنت تلاغى وانا اللي اتحاسب.

مكشة: (يضحكا) واللا الراجل صاحب الفرن لما دخل علينا  
واحنا واقعين بشكارة الدقيق ورا الماكنة فهما غلط  
وكانت فضيحة

وليد : (مكملا ومقلده) والواد الوسخ لابيضانى نايم ع  
الارض - ها اللى تم

مكشة: قال بس الغة صعبة

وليد : نفهم نترجم

مكشة: (ساخرا) البيان بيقول لايوجد لدينا فرص عمل  
ولكن نمون المشروعات الصغيرة

وليد : يعنى ايه ياعم السفير

مكشة : بعد المفاوضات توصلنا لحل

وليد : اللى هو

مكشة : يعنى نشغل بفلوسنا

وليد : فلوس ايه هو حيلتنا حاجة انت قولت له ايه

مكشة : اصبر جايلك الكلام اللى فهمته منه اننا نتصرف فى  
قرشين يدينا على قدهم - نشغل ونعلا واحدة واحدة

امان ليننا وليه فلسفته قرشى عندك عمرى ما امن  
لك

وليد : طب يا أبو الفلسفة ماسالتش نفسك نجيب منين  
القرشين لا المرحوم ساب لنا ورث ولاحتى كان  
موظف عشان نلاقى معاش

مكشة : (ساخرا) يعنى انا اللي صاحب اطيان مالحال من  
بعضه وان كان على ابويا اللي انا حيلته حارمنى  
من الميراث

وليد : (مفكرا) صح - ابوك

مكشة: ابو مين

وليد: ابوك انت مالك

مكشة: ايه يا وليد انت صدقت دى عربية فشار ومركونة من  
ساعت مارقد عيان اخر مرة

وليد : ياد افهم هو وراقد عيان والعربية مش شغالة وانت  
ساييها - بيعها القرشين دول على اللي هادبره ندور  
بيه المصلحة ونعيش

مكشة : (مقاطعا) هادبر ايه ومنين دا حشيش وابويا لو

عرف

وليد : (ساخرا) ان كان على ابوك سهولة تكون العجلة دارت  
وابقا عوضه ليه بهمر (بتركيز) اما هادبر ايه  
ومنين دى بتعتى

(يدخل حلمي ويجلس ليفتح لفافة بها طعام ويبدء  
بالاكل ويدخل علي هاربا فزعا ويهدد)

علي : يالا ياد انت وهو احسن انوتك انت وهو وهو يعايبط  
(محاو لا اخافتهم بالضرب) كلهم كلهم عبيط (يلتفت  
ليري حلمي وطعامه ويسرع اليه بلهفة) حنة فرخة  
حنة او عي حنة اكل

حلمي : (يطرده بشدة) يالا يالا لا اظبطك

علي : (في ثورة وهياج) انوتك حنة فرخة

م زبادي : (يتدخل ل حلمي) معلش اديله حته دا عيل غلبان  
وعقله علي قده

حلمي : (برفض) واللقمة علي قدي صعبان عليك اديله انت

م زبادي : ليه كدا - الدنيا جري فيها ايه

حلمي : (بشدة) خدوه وروح الله يبارك لك مش حبة صعبانيات

م زبادي : (ل علي) تعالى يا ابني انا هتصرف (يزداد علي  
ثورة ويهم بالهجوم علي الفرخة ويزداد الصراع  
بينهم)

حازم : (بشدة) الهبل دا مش ها يخلص - وبعدين - ياللا بقا  
(يهدء الجميع بخوف ليستغل علي الموقف ليخطف  
قطعة ويهرب ومن خلفه حلمي ويخرجا)

مكشة: (بخوف) يا وليد

وليد: (يهم بالقيام) شايف ما تخافش يا مكشه سييها عليا  
(ينادي لزبادي) ياريس الحساب

(ايظلام واثناء الايظلام صوت متكرر ل سيدة تنادي  
وليد وليد - ويظهر الجميع بنفس وضع فتح الستارمع  
ايضاء متقطعة)

على : (ساخرا صارخا) ولعوا النور

م زبادى : (بألم) وهو ايه بس اللي هاييتشاف

عارف : (واضعا وجهه لوجه وليد) يا عيني مش عارف

وليد : ماهو نفسى اعرف

حلمى : (بخوف وغضب) بس بقا انت ايه كفاية كل واحد  
فيه اللي يكفيه

م زبادى : (ل وليد) جرى ايه يا استاذ - خايف ليه - معقولة  
مش عارف(وليد يهم بالسؤال)

لا انت مش مصدق بس

حازم : (مقاطعا) اغبيا ضيعتونا معكم (لفراشه الملقا امامه)  
ياللا بقا

على : (مقلدا ومحاولا أخافته) اغبيا اغبيا

عارف : يا عيني مش عارف

وليد : عايز اجابة صدقوني

حازم : اجابة ايه هنا السؤال

حلمي : وحالك هو جوابك

م زبادى : وعلى رأى اهلها (كله يحاسب على مشاريعه)

عارف : وعلى خوفك ده - شكلك هاتتنفخ

على : (محاولا اخافته) كلكم منافخ

م زبادى : ليه بس يا ابني

على : (طائفا مغنيا) نفيخه شوخيله

حازم : بس يا غبي

على : (لعارف وهو يضحك) استاذ نفيخه شخيله

عارف : كدا برضه دا احنا غلابة زى بعض



على : انا مش شخيليه وبالمناسبة اعرفكم ببعض (طائفا)  
شخيلة نفیخة - نفیخة شخيلة

حلمى : فاهم قصدك

على : بزمتك غلطان (بهدوء هامسا لنفسه ذهابا وایابا)  
نفیخة شخيلة

ولید : (فى تسأل) لو دى الحقيقة لیه ما اعرفكوش - وفین  
حلمى : (مقاطعا ساخرا) ماسألش وهو هناك جاى یسأل هنا  
- رایحة منه

عارف : (یکظم غیظه) هو المرحوم کام سنه

ولید : (بتأمل واسف) 28 ایوه عمرى 28 سنه

حلمى : دا راحوا فى غسیل وشك بس

ولید : مش قولت لکم لیا حق

م زبادى : لأ - اهدى یالاستاذ واضح انك لاعارف ولا مصدق  
(متفلسف) قول لى فى حد اختار امه - ابوه - اخواته -  
شکله

ولید : لأء

م زبادى : یبقى لیه عایز تعرفنا قبل کدا کل دنیا ولیها ناسها

أقدم منك بيوم يعرف عنك هموم

عارف : يسلم وشك ياااااااااااا

حازم : (الى فراشه) كفاية هاوهوا اغبيا - ياللا بقا (ل على  
وهو يقترب منه) مكانك مش مسموح لك تقرب  
ياغبي

على : (يبحث عن شيء) هي راحت فين بس مش عارف

حازم : غبي مش عارف مين اللي بيكلمه

عارف : (مقاطعا) يايعينى مش عارف

حلمى : (متحفز ل حازم) ايه يااستاذ مش طايق حد كدا ليه  
هتكون مين يعنى

وليد : (متدخلا) مش كدا كلنا مع بعض

حازم : مع مين انت كمان اسمعوا انا لا ضد ولا معا ومسألة  
وجودى بينكم مسألة وقت مش اكتروا كيد راجع  
مكانى وساعتها كله هايعرف حجمه

حلمى : لأ - انت ذوتها اوى

م زبادى : (ل حلمى) بس اسكت

وليد : يسكت ليه - ومين الاستاذ

عارف : شكله نظيف

م زبادى : مش لازم تعرفوا (ل حازم) اسفين حضرتك

حلمى : (بدهشة) انت بتقول ايه ياااااااااااا

(ثبات ايضاة متوسطة بدخول فتاه مرتدية فستان زاهي الالوان تطوف بينهم وبضحكة ساخرة)

الفتاه : ياااااااا - يااا - يا كتير اوي (ضحكة) هه اقولكم واكسب فيكم ثواب

(تطوف بدائرة ضوء علي كلا منهم لتعريفه وتبدء بتعريف حازم) السيد الاستاذ معاليه حازم القاضي حاجة تخض قوة سلطة حياه بس يا خسارة قبل ما يشرفنا ب 20 يوم بس انعم عليه بلقب سابق ومش قادر (بمداعبة) ينسا ومستني يرجع. (ل زبادي) زيدان عبد العليم الشهير بزبادي. صاحب قهوة بلدي وصاحب كل حكاوي الصحاب (ل عارف) اما دا بقا(عارف بتفاخر) عارف السيد وهو عارف(مشيرا لحدائها) من نظرتة يعرفه من جذ.... عارف الجذمجي المع (ل علي) علي محمود الطيب تقريبا



م زبادي : خلاص اورقد واحكي

حلمي : (محتضنها بخوف) هي مالهاش ذنب دي غلطة في  
الشغل من سوء حظي بعد تخطيط يومين والتنظيف  
والميعاد طلعت كان صحابه لموه

وليد : (متسأل) هو مين

حلمي : (بأسف) الغسيل

علي : (هاتفا) حرامي (عارف يخبئ فراشه)

حازم : (غاضبا) عبيط وفراخ وحرامي (الفراشه) ياللا بقا

وليد : طيب والفرخة

حلمي : ماحدش مديني فرصة اكمل

الجميع : اتفضل كمل

حلمي : (ل ولید) شكلك ابن ناس – المهم ماطولش عليك

قول طول ماهو انا لما مالاقيتش الشغل

عارف : الغسيل

علي : يا حرامي – كاك كاك

حلمي : الغسيل ارتاحته – مش هارجع بايدي فاضية وانا

راجل مسؤل وورايا التزامات - وفعللا زي مايقطع  
من هنا يوصل هنا (مشيرا للفرخة) لسه هافكر لقيت  
الحلوة بتنادي وما فيش غيرها في العشة قولت في  
نفسي من رضي بقليله عاش ويادوب علي ما  
شقطها حاسيت برجل علي السلم طير ياد (بأسف)  
لاقيت نفسي هنا وهي فحضني

علي : (طائفا مغنيا) كاك كاك - حلمي فرخة (محاو لاخطفها)  
فرخة حلمي - كاك كاك

حلمي : (بغضب) ما تسكت ياد

م زبادى : هو بعد اللي اتسمع فيها سكوت

حلمي : (ساخرا) يعني مش ناقص الا الواد ابو عقل  
فسافيسي

عارف : ابو عقل فسافيسي ده مش حرامي يا حرامي

حلمي : (غاضبا) لاء ما هو مش لوحدي (مشيرا علي  
حازم) في غيري كثير - على الاقل كنت بخطف لقمة  
اسد جوعي لكن عمري ما فكرة اخطف اللي يجوع  
غيري

حازم : اوعي حد ينسي نفسه ودا آخر انذار خليك في حالك يا  
ابو فرخة واللا حرامي غسيل اشيك

وليد : (متداخلا) اهدي يا استاذ

حازم : بس بس بس بس

عارف : (ساخر ل زبادي) ابسط يا معلم اهي قلبت قططي

علي : (طائفا) كاك كاك - نياو نياو (ل حازم) قول يا مريش

حازم : (أمر عارف) انت لمة هو وابو فرخة ده بحاجتهم  
للاخر ركن - بعيد

عارف : ايه يا استاذ ايه انت دى (ل زبادي) سامع يا معلم

وليد : (مقاطعا) ياريت تسمعوا انتو كمان

(فترة صمت ليظهر صوت من الخارج لخطوات)

عارف : (بقلق) ياتري زيارة - واللا ضيف جديد

(علي يصرخ)

وليد : (ل زبادي) ايه ايه ده يا معلم

حلمي : دول اللا بلسة

عارف : تاني

علي : ما هم مش عارفين

عارف : ياعيني مش عارفين

حازم : دول اكيد جايين عشاني - ماهو انا متسبش كدا

علي : (يقفز عليه) واللي يسبيك يبقي عبيط

(حازم يحاول الفرار والجميع يحاولون فك الاشتباك  
فيزداد علي ثورة ويقلده)

كله مكانه - اغبياء - ياللا بقا

وليد : اهدي يا علي مش كدا

علي : بس يا بتاع امبارح انت

م زبادي : وبعدين يا علي

علي : ده الي انتم مش قادرين تفهمه ان هو ده الاخر -

بعدين يعني يعني خلص مافيش تاني (يفك الاشتباك

- وكل منهم فى جهة حازم متعب وبجواره وليد

وزبادي وعارف بجوار علي يهدئه من ثورته

(وبمنتصف الجميع حلمي بفرخته مشاهد الموقف)

عارف : (ل علي) لما انت عارف انهم مش عارفين بتتعب

نفسك معاهم ليه



علي : (علي يبرز لسانه ل حازم) يا عبيط  
(عابثا باشيائهم (الاكفان) مغنيا انا العبيط المستعبط -  
انا اللي بالدنيا اتشعبط

(حازم محاولا انقاذ اشيائه)

حازم : (ل علي) انا انا - وقدرت تتجرء انا حازم القاضي  
يحصل معايا كدا - ومن مين انت يا متخلف انت اللي  
تعمل كدا - صحيح غبي عشان تعرفوا ان اللي زي  
ده مالوش مكان بينا

م زبادي : اهدي يا استاذ ما انت عارف انه عقله علي قده  
عارف : يا عيني علي قده

حلمي : بس هنا مافيش وسايط

وليد : يا جماعة هنا كلنا مدانين - ومافيش حد احسن من حد  
واللي المفروض يحصل ندعي - ونستنا اللاستجابة.

حازم : (وعلي يخيفه) شايفين مش طبيعي - بس انا  
هتصرف ولازم من نظام ينظم ويحكم ويفلتر بين  
مين واياه بقبضة من حديد عشان ماينفesch نتساهل  
او نعدي (صارخاف فراشه) ياللا بقا

(بصرخة حازم تعود فترة الصمت ليظهر صوت خطوات  
من الخارج تقترب منهم - ف يسود المكان الصمت  
والثبات وكلا بمرقده - اظلام - أضاءة هادئة جدا يفتح  
الباب بمرور مصباح ليكشف عن ثلاث اشخاص يبدو  
انهم شبان وثالثهم حامله من هيئته (التربي)

التربي : (للاحدهم) ايه يا بيه ما تنزل

شاب 1 : (بخوف) خلصنا يا عم انا واقف اهه

التربي : واقف ليه - تعالى شيل معاه (للاخر) قلبه ضعيف  
اوي صاحبك ده

شاب 2 : سيبك منه ها المهم فين الباشا اللي قولت لي عليه  
التربي : هو اللي هناك ده

شاب 2 : (ل صاحبه وهو يقلب في احدثهم) مالك تعالى  
التربي : (ل شاب 2) انت بتعمل ايه - ده شكل باشا ده اللي  
بعده يا بيه

شاب 2 : معلش اصلي ماحضرتهمش

شاب 1 : يللا يا عم مش هاتفرق

شاب 2 : لاء تفرق

شاب 1 : تفرق في ايه ميت صابح

شاب 2 : لاء وانت الصادق ميت مرة واحدة بس يعني الجثة  
نظيفة (مشيرا لما حوله) انما دول ماتوا قبل ما  
يموتوا الف مرة - شايف حاجاته شكلها ايه يلا

اخلص.

التربي : بالتوفيق يا باهاوات - وما تنسوناش بحلاوة النجاح  
احنا بتوع بعض

(يحملاه - بعد ضبط التربي للمكان فيعم السكون  
والثبات مرة اخري بخروج الجميع اظلام - اضاءة)

علي : (ساخرامقلدا) انا ماتسبش كدا - قلبه كان حاسس  
وليد : (بخوف) هو فيه ايه يا معلم - ايه اللي حصل  
حلمي : قولت لك - الابلسة

عارف : مائنش عارف (مغنيا هوو علي) ياعيني مش عارف  
علي : يا عيني - ضاع - ضاع

(يطوفون رقصا ومعهم حلمي) ضايع مني وزوز -  
في الحته داهيا وزوز - ماتشوفو معايا

وليد : حد يفهمني - ايه

م زبادي : (ل وليد) اهدي يا ابني -

وليد : (بتوتر) اهدي - اهدي - احنا بنروح من بعض  
فين

م زبادي : هو ده الحال يا ابني - انا معاك - مهما ان كان  
ساعة الفراق مايهنش

وليد : لاء - لاء يامعلم هونا انا اللي - بس ليه ليه  
علي : (متذكرا ومشيرا للاخرين) اه بس - بس بس ناو ناو  
عارف : كاك كاك

(يخطفون فرخة حلمي راقصون بها يلتفت اليهم وليد  
ويقرب منهم ببطء فينخفض الاداء والغناء رويدا  
رويدا فجأة يضحك راقصا مثلهم)

وليد : كاك كاك - بس بس - ناو ناو (يفعلو مثله كصداه) هاو  
هاو - بخ - ها - اه - عو (ثم غنوة) هم هم - حاتا  
باتا مم مم - نونو (بنهاية الغنوة يرتفع صوت وليد  
باكيا) ولو ده حقيقى مينفعش ولو لسه يبقى  
ماعشتش امى الضريرة اختي اللي ملهاش غيرى  
فى حاجات كتير كان لازم اعملها  
(يقف الجميع وزبادي يحتضنه)

علي : (ساخرا) دا وقته - واد نكد  
م زبادي : اجمد امال مش كدا وليها اللي يدبرها من كتر  
اللي الواحد شافه فيها ما بقاش يستغرب بالك وانا  
قاعد علي كرسي في القهوة وسط الدخان وصوت  
المعالق في الكوبايات كانت تتقلب حكايات نكته

ماسخة ضحكة بحسرة كلام يعيب وكلام بيقوله كله  
معجون ب كله وولا حد فاهم وكنت اقول في نفسي  
الخلق دي غريبة اوي معقولة مش فاهمة والاغرب  
يبقا الواحد عاكك وعارف انه يستاهل اكر من كذا  
ويكابر ويكذب حتي علي نفسه وف وسط الحكايات  
والدخان والصوت العالي والزحمة اللي من غير  
زحمة لاقتني واحد من كل اللي مستغربهم ومن  
ساعتها ما باقتش استغرب ولا يشغلني ايه هاي عيبك  
واللا يعيبه كله يحاسب علي مشاريعه

عارف : يسلم وشك يا زبادي

وليد : انا مخنوق عايز اخرج من هنا هما محتاجين لي  
سامعهم بيندهوا ايوا ياماااa

(ايضاعة متوسطة (فلاش باك) ديكور شقة وليد  
وتتكون من غرفتين غرفة ألام والاخت عن يسار  
المسرح وغرفة وليد بالوسط وبجانبها كنبه بلدي بها  
سجادة صلاة يعلوها برواز لصورة الأب والعم معا  
وبجوارها تربيزة بسيطة تحمل تيلفزيون وباب الشقة  
يمين المسرح وبجواره باب يشير للحمام والمطبخ  
معا - عارف يلعب دور الأم (كفيفة) جالسا علي

الارض يوحى بمسبحة بيديه وعلى يلعب دور دعاء  
(الاخت)

الام : (تتادي) دعاء يابت دعاء

دعاء : (تدخل مسرعة) ايوا يامه

الام : يابت ماصحتيش اخوكى لدلوقتى دا العصر وجب

دعاء : يوه لساله ساعة يامه

الام : هو قطر يابت

دعاء : ومش قايم

الام : انا عارفة شغل ايه اللى يروحوله العصر ده

دعاء : دا الكلام اللي قالولي (بصراخ) وليد يا وليد

وليد : (من الخارج) صاحى صاحى هو صوتكم ده يخلى حد  
يعرف ينام

دعاء : مبصوطة اهو قام بزعايبه وربنا يستر

وليد : (بخروجه يمسك دعاء من شعرها) كام مرة اقولك  
صوتك ما يعلاش واللا اتغابا عليكي

(تبكي دعاء)



الأم : هو دا اللي بناخده منك سيبها كانت عملتلك ايه يا ظالم  
وليد : (بغضب) بس بقا كلامك دا اللي بيجرئها عليا وخليها  
تهاودك عشان اموت هالك (يدفع دعاء علي الأرض  
باكيا)

دعاء : (باكية) شايفة يا اما الحقني يا با  
وليد : (ساخرا يلقي التحية على صورة الحائط) ايوا يا عمه  
سلملى عال حاج

الام : (بتهدية والم) الله يرحم الجميع اللي يسمع كده يقول  
واخد رضاهم (ل دعاء) تعالي يا ضنايا حقك عليا  
وليد : (ساخرا) وهو ايه اللي كان سابه عشان اخده - انتي  
فاهمه حاجة

دعاء : (بحزن في حضن امها) ربنا هايجيب لي حقي  
عشان ما يرضاش الافترا وكل شوية ضرب واهانة  
وليد : انتي لسه شوفتي حاجة انا هاربيكي من الاول يا بنت  
امك هاتشتغلولي انتوا مالكم بشغلي واللا بغيره  
كفاية الحمل اللي الواحد شايله حسه بقا (ل دعاء)  
وزيك زي اي حاجة في البيت واللي اقوله يمشي

## (بخوف دعاء تختبء في حضن الأم)

الام : اعمل ايه بس يارب (متوجها للصورة بألم) شاهدين  
وليد : (ساخرا) لأ ابوس ايدك اوعى تشتكى ليهم احسن  
الحاج الله يرحمه تعب عمى شكوا منى (ويقف امام  
الصورة مقلدا ساخرا) الله يرحمك يا عبد الناصر يا  
اخويا انت والشهداء جميعا اتفرج على الشباب مش  
واخذ من الرجولة الا خوشونة الصوت وليد - وليد  
محمود المليجى بتاع كل الافلام  
(يهم بخلع الصورة ورميها)

دعاء : (بغضب وبكاء) ما تعملش كدا يا مفتري يا ظالم  
(تحتضن الصورة)

وليد : سمعا بنتك

الام : (باكية) لاء سمعا حالى بكلام الناس على الراجل اللى  
فاتهولى المرحوم ابوه لجل مايقا عكازى وسند  
للاخته بعده يضل عليها من نار الدنيا وافعلها

وليد : (مقاطعا) عكاز وسند ايه دارالمسنين اللى قاعدتينا  
فيها دى (بغضب وشدة) وبعدين مش كل شوي

حرقة دم وشكوي وانا هعمل ايه واللا هو كان ساب  
لنا ايه - الرحمة شويا بقا وحلوا عني  
(بانتهاه المشهد اضاءة كاملة وعودة صارخا)

لاء ماتسيبونيش

عارف : (ساخرا) يا عيني سابوه وليك وش تتكلم دا لاوش  
ولا نعل ولا حتي تستاهل يمسخوا من عليك تراك  
قال وانا اللي كنت بقول يتوب عليا من قاعدتي  
وبصي في الارض ومن ورنشتها وتلميعها بالك  
لاقيت فيها اصل عن ناس كتير عمري ما شوفت أم  
روباط بتعاير اللي من غير ولا فاردة فارقة اختها  
وكدبة عليها وعلي نفسها

علي : (مشيرا للفرخة) طب حلمي وفردته انا فين فردتي  
حلمي : بقولك ايه سيب حلمي في حاله انا مش طايك يا  
عبيط انت

م زبادي : لاء من دلوقتي ماينفعش حد يسيب حد لازم كلنا  
نبقا مع بعض

علي : يا عبيط فرخا غبي (يهدد في الجميع) خوش جوا  
صباغي منمل (ل وليد ويقلده) عايز اخرج فين

الباب الغطا الدنيا برد الطوب بيعور العيال كثير ياللا  
ياللا اللي هايجي هاوديه جعان(ل زبادي) مع بعض  
نخرج مع بعض (لعارف) شوف وشك فيا انا معاك  
(ل وليد) تعالي ندور عالباب انا مخنوق (يمسك  
يديه يبحث تحت كل فرش وينادي) يا باب يا باب يا  
باب (حتي يذهب به ل عبد الناصر ويتركه يقف  
وليد متذكرا برواز الحائط ويدور مشهد تقليده  
لوالده امام البرواز بالخلفية بدائرة ضوء ليكتشف  
ملامحه بالبرواز)

وليد : انت

ع الناصر : (برفض) لاء لاء

وليد : ايوا انت - مش عارفني

ع الناصر : (محاو لا الهروب) لاء انت عايز ايه

وليد : عايزك تعرفني تفكرني

ع الناصر : (صارخا) لاء مش عايز يا اخي

(تصاحب صرخته اصوات متداخلة من صراخ  
وصوت رصاص اي ما يدل علي الحرب الذي خاضها  
ويؤديها بينهم فيؤدوا معه دور الجنود في المعركة  
ويهرب ليتخذ ساتر الي ان يقتل ويسقط ارضا)  
عارف : يا عيني الله يرحمك

علي : (يساعده بالنهوض) الف سلامة عليك

(وكانه يلقي حجارة) امشوا يا عيال

وليد : عمي انا وليد بكر

ع الناصر : (بهروب) لاء كفاية ماعرفش حد

عارف : يا عيني مش عارف

حلمي : (ل وليد) ماتهدا ياعم هي عافية قال ما يعرفش

وليد : ازاي لاء هو هو عمي (بتفاخر) الشهيد عبد الناصر

(يتالم من حديثه) لو تعرف قد ايه كان بيحبك

ويدعي لك

ع الناصر : (مقاطعا) مش بدعاء وكفاية لا انا عايز افكر

حد ولاحد يفتكرني (بصرخة) افهمو بقا

م زبادي : (ل وليد) خلاص يا ابني بلاش تتعبه

وليد : ما هو انا مستني الخلاص حاسس اني في كابوس  
مش عايز ينتهي (ممسكا عبد الناصر) انت ليه  
ناكرني ليه مش عايز (يتهرب بوجهه) حتي تفكر -  
قولي أنت الوحيد اللي تقدر تجاوبني

علي : (ل ع الناصر هامسا) الباب عايز اخرج  
عارف : الوحيد اللي يعرف - هو في عارف غيري تلاقيه  
مش عارف

حلمي : (متسال ل زبادي) دا باين الموضوع بجد راكب  
معاكوا يا رجالة

م زبادي : راكب ايه هي باص انت فاهم حاجة ما تسكت لما نعرف  
علي : (للجميع) واللي عايز يهرب يجي هنا(يلتفوا حول عبد  
الناصر) الباب

الفتاة : (تدخل الفتاة) برضوا زي ما انتوا كله بيفكر وبيتكلم  
في اللي عملته الناس والدنيا مع انكم عارفين  
عاملتوا ايه - لكن في فرصة

الجميع : (بلهفة) أيه هي

الفتاه : الخروج - الرحمة وياتري مين اللي يستحق  
وصاحب النصيب وجائزتنا للي هيعرف ويستحق.

انه يخرج يشوف اهل اصحابه احبابه من فجر  
الجمعة لحد صلاة الجمعة بس ومن غير ماحد  
يشوفه ومن غير ما يعرف امتي وازاي  
(بخروج الفتاه يلتفوا حول ع الناصر)

عارف : قول ياللي مش عارف  
م زبادي : اه قلب دماغك وصب المفيد  
حلمي : (يهدده بالفرخة) انت هتقول واللا  
وليد : الحقيقة

عبد الناصر : (صارخا) الحقيقة اللي عايزين تعرفوها من  
غير حتي ماتحاولوا عشانها - الحل - الخروج -  
الرحمة (ل وليد) تقدر تعرف من غير ما تحاول  
(يطوف بينهم) تقدرؤا الحقيقة اللي بتدورؤ  
عليها(علي يمثل ما يقوله) جواكم - فتش دور ها  
لاقيت (ل عارف ويشير له علي حلمي) شوفك فيه  
دور جواه وقبل ما تدور اعرف عملت ايه هناك  
عشان تلاقا ايه هنا (لزبادي) طب انت عملت ايه  
(حلمي يداري فرخته)

علي : دا عبيط

ع الناصر : (بألم) ودا اللي اكتشفته فيا وفيكم

وليد : يعني ايه مافيش حل

م زبادي : (متفلسف ل وليد) مين قال مافيش - دا الرحمة  
تجوز علي الحي والميت - ما حدش اتولد ملاك -  
ومش شرط تعيش نبي - بس المهم ما تموتش  
شيطان

حلمي : (بألم) يعني ايه كل دا واحنا مش عارفين اننا مش  
عارفين

عارف : (بألم) عارف طلع مش عارف

علي : (ساخرا) كلهم كلهم عبيط

ع الناصر : (ل وليد) عملت ايه - هو عمل ايه مين فينا عمل  
ايه (للجمهور) مين فيهم عمل ايه (اظلام - اضاءة  
فلاش باك لنري شقة وليد في وقت متأخر من الليل  
قرب الفجر يدل عليه قرائنه في الخلفية بصوت  
مناسب حيث اضاءة هادئة وسكون يشقه خروج  
لألم الكفيفة تتحسس الطريق للحمام استعداد  
لوضوء الفجر بمرورها بغرفة وليد تنادي عليه فلا  
يجيب السكون وتكمل تحسس طريقها الي ان تدخل



الحمام بغلقها باب الحمام يفتح باب الشقة ليدخل  
وليد متصلص متجه للتليفاز ويحاول نزع اسلاكه ثم  
يقف برهة ويستدير بنظرة خوف وخزي نحو برواز  
الصورة ثم يتجه نحوها ليأخذ سجادة الصلاة من  
فوق

الكنبة ليضعها علي البرواز ويسرع في نزع  
الأسلاك وبحمله لباب الشقة وفتحه يفتح باب الحمام  
بخروج الأم لتشعر بحركة ونفس فتنادي

الأم : وليد انت جيت (لا يجيب) وليد وليد (يخرج مسرعا  
وهي تنادي الي ان نسمع في الخلفية صوت ل  
سيارة وحادث سير مصاحب بصوت الأم - اظلام)

(ايضاعة تغير الديكور لغرفة بمستشفى حيث سرير  
به شخص مغطا كاملا وبجواره كرسي وبنهوض من  
بالسرير ليكشف الغطاء عن وليد يفحص ويتلمس ما  
حوله)

وليد : (بدهشة) ايه دا معقول انا اه الجمعة طب الساعة كام  
دلوقتي (صوت عامل النظافة من الخارج ويلعب  
دوره حلمي)

صوت : ما هو الواحد لو كان كمل علامه (بيفتح الباب  
ووليد يسرع للفراش) ما كنش دا بقا حاله شخط  
وتأمير انت تعالي انت روح نصف هنا دي

(يجلس بجواره ويضع ما معه علي وليد بفراشه  
جاروف ومكنسة ويقوم بلف سيجارة حشيش) ليه  
كدا مافيش راحة ابدأ (ويبدء بالتدخن يبدء وليد  
بالسعال تحت الغطاء) انت كمان مش عجبك (ينهض  
وليد بسعاله فيفزعا من المفاجئة) حي

وليد : ايه انت شايفني

ع النظافة : ليه هو انت مابتشافش

وليد : (ينهض) ايه اللي انت عامله دا

ع النظافة : (بتفاخر) أيه بنصف

وليد : (بتذكر) هو انت

ع النظافة : (برفض) ايدك انت هاتعمل فيها عارفني

وليد : عارفك يا حلمي - الله وفين الفرخة ؟

ع النظافة : (بدهشة) حلمي مين وفرخة ايه ! أخوك سيد

وليد : اه انت هاتعملهم عليا وتداري مني دا انا اللي

عارف وماتخافش

ع النظافة : يا جدع عارف ايه ! وبعدين في وجع القلب ده

وليد : ماشي يعني مش عارفني

ع النظافة : معلش اصل مش متابع سيما

وليد : طب هقول حاجة واحدة بس ومش هاکتر وافتكر  
براحتك

ع النظافة : (ساخرا) اللي هي ايه بقا ان شاء الله

وليد : القهوة - خنقتك مع الواد العبيط علي عشان الفرخة  
ها - افكرت

ع النظافة : (ساخرا) اه كنت موجود طب حاسب حاسب قال  
فرخة قال كل الحكاية ربع فرخة وقلت احود علي  
القهوة اكل لقمة مع كوباية شاي قبل ما اتطلع علي  
المستشفى ولسه بقطع اللقمة يطلع علي الواد الاهل  
دا بزفة يخطفها ويجري اسيبه

(ويجمع اشيائه ويهم بالخروج)

وليد : (متذكرا) اه - انت رايع فين

ع النظافة : هاشوف شغلي واللا ارقد جانبك

وليد : طب الساعة كام دلوقتي

ع النظافة : (بدهشة) نعم انت خفيت من رقدتك واللا عقلك  
اللي خف

وليد : ياعم جاوبني طب باقي قد ايه عالصلاة

ع النظافة : انت عايز ايه ما هي مش ناقصاك

وليد : عايز اعرف

ع النظافة : احمد ربك دا من يوم ما جابك الأستاذ ابو عشا

جنيه جديدة يجي من اسبوع كدا وانت في عالم تاني

لا حس ولا نفس ولا عارفين لك اهل ولا حد ببسال

عليك وقايم تقولي الساعة كام والنهاردة ايه

وليد : (فرحا) يعني انا انا حي لسه في فرصة الحمد لله انا

حي

ع النظافة : حي لاء انت حارة مجنون دا واللا ايه

(ساخرا) انت عامل ايه

وليد : مين - انا - تعرف انت عامل ايه - مين فينا عمل ايه

(للجمهور) مين فيهم عمل ايه (يحتضنه صارخا

فرحا) الحمد ليك يا رب

(مشهد الفينال)

(اظلام المسرح وبدائرة ضوء علي وليد

تدخل الفتاة باليوم الصور)

الفتاة : مين يراجع ؟ مين يحاسب قبل ما يتحاسب؟ مين

يشوف ويكشف عمل أيه (تشير للالبوم) عشان يلقا

أيه (للمسرح ووليد) مين فيهم عمل أيه

(اظلام علي الفتاة ودائرة ضوء علي وليد بخلفية

صوتية ومقطع طموح بأداء شعري)

وليد : (شعرا)

من ضحكة واقف في السكك

يضحك علي ضحكه صдах

يمكن في لحظة من الزمن

دقة لقا مستنياه

يسئل في اوراق الشجر.... لون الحيطان

فتش بنادير الرصيف

مين اللي محسوب... عالحياء

(اظلام علي وليد ودائرة ضوء علي الفتاة بخلفية  
صوتية ورباعية هي

الفتاة : (شعرا)

النظرة سهم اترشق والعشق فاق الحد

فاهم يا جاهل فن السؤال والرد

تلعب وتجرح في القلوب حواديت

واجمل ما فيها ولا مرة حبت حد

وبنهاية الروباعية (- اظلام -)

ستار

تمت بحمد الله

01228577046



إصدار	عنوان الكتاب	التصنيف	المؤلف
1	ترتيل البوستات ج3	أشعار	ناجي عبد المنعم
3	العفريّة الشقية	مسرحية	ناجي عبد المنعم
6	ظمى لا زبد	أشعار	د. عبد الحليم هندأوى
7	أبو الطيب المصرى	أشعار	عبد الله الشوربجي
12	أنين الروح	أشعار	جيهان عبد الرؤوف
14	أشجار الخوف	أشعار	رضا أبو الغيط
17	بحر العشق	أشعار	مسعد خليل
20	مدمن ضرب	أشعار	سمير موسى
23	عن التواصل الأدبي	دراسة	د. يسرى عبد الغنى
24	حميسة	قصص	عبد المنعم شرف
32	إنكسار حرف	أشعار	محمود هليل
35	أبويأ مات	أشعار	محمد حمدي
36	إهدى عليا	أشعار	سميرة محمودى
41	مسرح خيال الظل	مسرحية	سمير حماية
43	أكبر وهم	أشعار	محمد الفلكى
48	حكاية عمرى	أشعار غ	نبيل نجاح

إصدار	عنوان الكتاب	التصنيف	المؤلف
51	شارع سيدى لاشين	أشعار	محمد سغفان
52	بدون مونتاج	أشعار	محمد السيد سعد
56	الليلة الأخيرة	قصص	عبد الإله الديب
57	أوتار الحروف	أشعار	حسن حمدى البيوميه
59	منتهى العقل	رواية	محمد البنا
63	كروان بلا لسان	أشعار	حسن الأقصرى
66	جدران الماضى	أشعار	أحمد حلمى
68	عمل المرأة	بحث	د. مصطفى يسرى
71	الشيخ العاشق	أشعار	عبد الحليم الزلوعى
73	العفارىت لن تحكم المدينة	قصص	نهى يسرى
74	مين حبها قدى	أشعار	وليد المصرى
75	العرافة	سبعاءيات	سماح هلال
78	حبك يكفينى	أشعار	مسعد سليم
83	رتاج الشمس	أشعار	أحلام غانم
84	سبتمبر 96	أشعار	محمد الساعى
85	الزمكان	أشعار	عمرو المصرى
88	أوراق مبعثرة	خواطر	د. حسنى ريس
89	فضفضة شهيد	أشعار	هناء حواس
90	حلم فى تابوت	أشعار	ياسر عيد
92	ابتسامات القدر	رواية	إبراهيم السمرى
96	وهم على وهم	أشعار	أيمن العشرى
98	الكنز	قصص	يحيى أبو عرندس
100	من نبض قلبى	أشعار	فاطمة عجيبة



إصدار	عنوان الكتاب	التصنيف	المؤلف
102	محطة خوف	أشعار	أحمد هلال
105	نجمتين وسبيل	أشعار	خالد إبراهيم
106	نبض مهرة	أشعار	زينب الشاذلي
111	صلوات في معبد الجرح	أشعار	محمد عبد الحميد
119	تحت ظل شجرة	قصص	عبد الله عشاوي
122	بيعدوا أملاكى	أشعار	علاء الدين على
124	الأعمال الشعرية الكاملة	أشعار	أحمد إسماعيل إسماعيل
125	صديقتى تسعه	رواية	سميره ارميا
136	مولاي	أشعار	جهاد زيادة
138	نبضات من حنان	أشعار	م/ حمدي عثمان
140	موعد مع بغداد	أشعار	صباح الجميلي
142	كن مبدعا	دراسة	د. رولينا عمر البدوي
143	أرجوحة الليل	أشعار	أحمد الخويلدي
144	مباراة المائة يوما	رواية	حازم محمد حلمي
154	ينابيع الحكمة	أدب طفل	د. نعمات إبراهيم
157	حلم فاقد الذاكرة	أشعار	عمر السوهاجي
158	وشوشات الليل	أشعار	د. عيد حجازي
169	على ذمة عاشق	أشعار	هناء أبو شنيف
174	آخر صورة	أشعار	محمد البياع
178	الحب النهارده	أشعار	محمد إمام لطفى
182	شخابيط قلم	أدب طفل	شحات خلف الله
189	طعم الوجع	أشعار	فهمي على ناصر
191	عطر الحروف	أشعار	سعيد كمال إمام

إصدار	عنوان الكتاب	التصنيف	المؤلف
194	ابتهالات قلب	أشعار	سالم عيدروس
197	دقيقة حداد	قصص	محمود أحمد على
204	انشطارات	أشعار	وليد العشرى
205	الفنون الإنسانية	بحث	محمد حسن هلال
206	مخاض القصيد	أشعار	أحمد أبو عاصم
207	على عليوه	أشعار	مصطفى بسيونى
210	حبة سكات	أشعار	إيمان بشناق
211	دموع على جسر الوجد	أشعار	محمد ضباشه
213	غواص فى بحر الألم	أشعار	محمود البحيرى
215	ضحكة فوق وش الضى	أشعار	راضى الطهطاوى
216	محطات إنسانية	مقالات	أشرف بدير
223	موسوعة كتاب روائع الومضات الجزء الأول	ومضات	أيمن خليل
225	بهذا أوصانى والدى	أشعار	هانى أبو مصطفى
226	ماتيسر من العشق	أشعار	تهانى فؤاد
227	دموع النورس	أشعار	محمود هليل
228	ذهب الليل وطلعت روحنا	أشعار	إسماعيل شتا
230	سفر الموت	قصص	نرجس عمران
231	مين فيهم عمل إيه ؟	مسرحية	سامح سليم
232	قصد وقصيد ورؤية سيمولوجية	بحث	إزدهار محمد ناصر
244	الدائرة المفتوحة	قصص	ماجى صلاح
247	رباعيات حلم ضائع	مسرحية	أيمن عبد الحميد

